

藝術典第三百八十六卷

醫部彙考三百六十六

外科癰疽疔毒門八 單方

達志酒治一切癰疽發背癰毒惡候潰有死血陰毒在中則不痛傳之卽痛有憂怒等氣積而內攻則痛不可忍傳之卽不痛或蘊血在內熱逼人手不可近傳之必清涼或氣虛血冷潰而不斂若七情內鬱治之必愈達志不以多少泔浸搥去心曬乾爲末酒一盞調末三錢澄清飲之以滓傳於患處 忍冬藤酒治食膏粱炙博過多及服金石補藥日久發疽預服免患忍冬藤鮮者五兩乾者

一兩大甘草節一兩作一劑用水三鍾煎至二鍾入無灰好酒一鍾再煎十餘沸去粗分三次服能飲酒者一次服另取藤搗爛酒調塗患處中留頭出毒乾再搽一方無甘草節 槐花酒治發背

一切瘡毒不問已成未成但焮痛者竝治之槐花四五兩微炒黃葉熟入酒二鍾煎十餘沸去粗熟服未成者二三服已成者一二服 癰疽瘡腫名金鍼散皂角針春取一半新採一半黑者一味

不拘多少曬乾爲末食後酒調二三錢服 癰疽腫痛無頭用貝母穿山甲天花粉共爲末每服

三錢水二鍾煎半鍾一日四服其毒自在大小便下矣可與前方合爲一貼

一切癰疽能消腫

逐毒使毒不內攻其效不可具述名國老膏用甘草大者二斤搥碎河水浸一宿揉令漿汁膿去盡筋滓再用絹濾過銀石器內慢火熬成膏用器收之每服一二匙無灰酒或白湯亦可曾服燥藥丹劑者亦解之本事方每甘草一斤分作三服溫酒調下今云一二匙恐力少也

截癰疽惡瘡發

險處服之使毒氣不攻於內名牛膠飲用牛膠通明者四兩用酒一椀入膠內重湯煮鎔透攪勻傾出更浸酒隨意飲能飲者以醉爲度此方活人甚多

黃礬丸服過一兩已上無不取效最止疼

痛不傷臟腑活人不可勝數用白礬一兩黃蠟半兩右和丸如桐子大每服十丸漸加至五十丸溫酒送下如未破卽消已破卽合一日服百粒則有效能防毒氣內攻尤能護膜始終須服半斤瘡愈後服之尤佳一方用明礬飛過研細以雞子二箇取清調礬末稀稠如糊用無灰陳好酒化開服之膿未成者卽消已成膿者從大小便出神效其功大勝黃礬丸

一切瘡腫牛蒡根三莖洗淨煮

令爛於盆中研令細去筋膜汁中卽下米煮粥鹹淡任性服一椀甚良無忌名牛蒡粥

豬牙皂

角去皮如法酢炙焦黃爲末每服半錢加穿山甲全者看患人證在何處就取此處甲用以蛤粉炒

爲末一錢與皂角末相和溫酒調下證在上食後服證在下食前服神效名破毒無比散 一切

無名腫毒瘡癰貝母一味去心切細一半生曬一半微炒和勻爲末病在上食後服病在下食前服

酒調一二錢名消毒散 神效葱熨法治流注結核骨癰鶴膝等證腫硬或先已隔蒜灸而餘腫

未消最宜用熨以助氣血而行壅滯其功甚大又爲跌撲傷損止痛散血消腫之良法用葱白頭搗

爛炒熱頻熨患處冷再換 凡癰腫初起以熱湯頻沃之卽散 凡腸癰取死人塚土作泥塗

之良 一切癰腫伏龍肝以蒜和作泥貼之乾再易或雞子黃和亦可外臺秘要下同 瘰癧出汁著

手足肩背累累如米用竈突墨竈屋塵釜下土研勻水一斗煮三沸取汁洗日三四度 石癰不

膿梁上塵葵根莖灰等分用酢和傅之千金方 惡癰腫毒痛鉛白霜一分甘草半生半熟爲末綿

裹含嚙聖惠方 骨疽出骨一名多骨瘡又時出細骨乃母受胎未及一月與六親骨肉交合感其

精氣故有多骨之名以密陀僧末桐油調勻攤貼之卽愈壽域方 雌雄疔瘡用鐵粉一兩蔓青根

三兩搗如泥封之日二換集元方 疔腫拔根用鐵查一兩輕粉一錢麝香少許爲末針畫十字以

點藥入內酢調麪糊傅之神效普濟方 疔腫初起多年土內鏽釘火煨酢焯刮下鏽末不論過次

萬分圖書集成 博物彙編醫部彙考三百八十六卷醫部彙考三百六十六外科

銀取收之每用少許人乳和挑破傅之仍炒研二錢以蜜水煎滾待冷調服

普濟方下同

癰疽楊梅

諸惡瘡水銀一兩硃砂雄黃各二錢半白礬綠礬各二兩半研勻罐盛燈蕊蓋定鹽泥固濟文武火煉升罐口掃收每以三錢入乳香沒藥各五分酒太乙膏上貼之絕效名曰五寶霜

魚臍疔瘡

四面赤中央黑銀硃水和丸每服一丸溫酒下名走馬丹

疔瘡惡毒刺四邊及中心以雄黃末

傅之神驗

一方用雄黃蟾酥各五分爲末葱蜜搗丸小米大以針刺破瘡頂插入甚妙

手

足甲疽熏黃蛇皮等分爲末以水洗淨割去甲入內處傅之一頂痛定神效

近效方

癰疽瘰癧肉石

灰半斤蕎麥稽灰半斤淋汁煎成霜密封每以針畫破搽之自愈

疔瘡惡腫石灰半夏等分研

末塗之

普濟方下同

疔瘡發背白浮石半兩沒藥二錢半爲末酢糊丸梧子大每服六七丸臨臥冷

酒下

疔腫熱毒慈石末酢和封之拔根立出

外臺祕要

甲疽腫痛石膽一兩燒煙盡研末傅之

不過四五度癢

梅師方

疔毒腫痛白礬石末和雞子清傅之乾卽易疔自出神驗

崔氏方

潰癰

作癢以鹽摩其四圍卽止

外科精義

疔瘡腫毒好硃砂雄黃等分研以銀篦挑破瘡口擠去惡血安

藥一豆入內紙花貼住卽效毒氣入腹嘔吐者服護心散

瑞竹堂方

癰疽不合石硫黃以筋蘸插入

孔中以瘰癧爲度

外臺秘要

疔瘡腫毒雪白礬末五錢葱白煨熟搗和丸梧子大每服二錢五分以酒

送下未效再服久病孕婦不可服

衛生寶鑑

魚睛疔瘡枯礬末寒食麵糊調貼消腫無膿

崔氏方

疔腫惡瘡二仙散用生礬黃丹臨時等分以三稜針刺血待盡傳之不過三次決愈

衛生寶鑑

諸般

癰疽用甘草三兩微炙以酒一斗同浸瓶中用黑鉛一片鎔成汁投酒中取出如此九度令病者飲酒至醉寢後卽愈也 又方甘草一大兩火炙搗碎水一大升浸之器上橫一小刀子露一宿

平明以物攪令沫出去沫服之但是瘡腫發背皆效

又方用甘草三大兩生搗篩末大麥麪一

兩和勻取好酥少許入內下沸水搜如餅狀方圓大於瘡一分熱傳腫上以綉片及故紙束之仍令

通風冷則換之已成者膿水自出未成者腫便內消仍喫黃芪粥爲妙神效

些小癰癰發熱時

卽用粉草節曬乾爲末熱酒服一二錢連進數服痛熱皆止

外科精要

疔瘡腫毒生薺莖根搗汁服

一合以滓傳之不過三度

癰疽便閉紫草薺實等分新水煎服

直指方

疔瘡腫毒白芨末

半錢以水澄之去水攤於厚紙上貼之

抽珍方

癰疽腫毒黃連檳榔等分爲末雞子清調搽之

簡易方

方

癰疽瘡腫已潰未潰胡黃連穿山甲燒存性等分爲末以茶或雞子清調搽之

簡易方

瘡

口不合秦瓦爲水摻之直指方 癰疽疔瘡惡瘡及黃疸慈姑連根同蒼耳草等分搗爛以好酒一

鍾瀘汁溫服或乾之爲末每酒服三錢乾坤生意 癰疽疔腫一切惡瘡金絲草忍冬藤五葉藤天薔

麥等分煎湯溫洗黑者加酢 又鐵箍散用金絲草灰二兩酢拌曬乾貝母五兩去心白芷二兩

爲末以涼水調貼瘡上香油亦可或加龍骨少許 諸瘡腫痛撫芎煨研入輕粉麻油調塗普濟方

疔瘡初起白芷一錢生薑一兩搗酒一瓊溫服取汗卽散袖珍方 癰疽赤腫白芷大黃等分爲末

米飲服二錢經驗方 一切癰疽瘡癤惡瘡下疳膿瘡潰後外傷風寒惡汁臭敗不斂並主之木香

黃連檳榔等分爲末油調頻塗之取效和劑局方 疔腫諸毒荆芥一握以水五升煮取二升分二

服冷飲藥性論 一切瘡疥荆芥末以地黃自然汁熬膏和丸梧子大每服三五十丸茶酒任下普濟

方 熱毒瘡腫秋後收連錢草陰乾爲末水調傅之生搗亦可寇氏衍義 疔腫垂死菊花一握搗

汁一升入口卽活此神驗方也冬月采根肘後方 癰疽疔腫一切無名腫毒用野菊花連莖搗爛

酒煎熱服取汗以查傳之卽效集效方 又方用野菊花莖葉蒼耳草各一握共搗入酒一椀絞汁

服以查數之取汗卽愈或六月六日采蒼耳葉九月九日采野菊花爲末每酒服三錢亦可易簡方

疔瘡腫毒艾蒿一握燒灰於竹筒中淋取汁以一二合和石灰如糊先以針刺瘡至痛乃點藥三遍

其根自拔神驗

千金方

癰疽不合瘡口冷滯以北艾煎湯洗後白膠香熏之

直指方

一切癰瘡

婦人妬乳乳癰小兒頑瘡及浸淫黃爛熱瘡疥癬陰蝕並用天麻草切五升以水一斗半煮一斗分

數次洗之以殺痒

千金方

急慢疔瘡用益母草搗爛傅之仍絞汁五合服卽消

又方用益母

草四月連花采之燒存性先以小尖刀十字劃開疔根令血出次遠根開破捻出血拭乾以稻草心

蘸藥搥入瘡口令到底良久當有紫血出捻令血淨再搥藥入見紅血乃止一日夜搥藥三五度重

者二日根爛出輕者一日出看瘡根腫脹起卽是根出以針挑之出後仍敷藥生肌易愈忌風寒房

室酒肉一切毒物

丁瘡惡腫千針草四兩乳香一兩明礬五錢爲末酒服二錢出汗爲度

癰疽發背初起未成者艾根熟搗傅上日夜數易腫消卽瘥

圖經本草

諸瘡腫毒牛蒡根五莖洗煮

爛搗汁入米搗服食一椀甚良

普濟方

積年惡瘡反花瘡漏瘡不瘥者牛蒡根搗和臘月豬脂日

日封之

千金方

一切丁腫危困者蒼耳根葉搗和小兒尿絞汁冷服一升日三服拔根甚驗

又方用蒼耳根苗燒灰和酢淀塗之乾再上十次卽拔根出

又方蒼耳根三兩半烏梅肉五

箇連鬚葱三根酒二鍾煎一鍾熟服取汗

邵真方

疔瘡腫毒地菰葉浮酒糟同搗傳之立效

集效方

癰疽腫毒一切惡瘡端午采豨薟草一兩乳香一兩白礬燒半兩爲末每服二錢熱酒調下毒重者

連進三服得汗妙

乾坤秘鑑

發背疔瘡豨薟草五葉草卽五爪龍野紅花卽小薊大蒜等分搗爛入

熱酒一椀絞汁服得汗立效

乾坤生意

丁瘡腫毒端午采豨薟草暴乾爲末每服半兩熱酒調下汗

出卽愈極有效驗

集簡方

癰疽惡肉白炭皮白荻灰等分煎膏塗之蝕盡惡肉以生肉膏貼之亦

去黑子此藥只可留十日久則不效

勸后方

癰疽疔腫惡肉地黃三斤水一斗煮取三升搗敷之

或去查煎稠塗紙上貼之日三易

癰癰已潰用牛膝根略刮去皮插入瘡口中留半寸在外以

嫩橘葉及地錦草各一握搗其上牛膝能去惡血二草溫涼止痛隨乾隨換有十全之功也

經驗方

癰疽惡毒肉中忽生一壓子大如豆粟或如梅李或赤或黑或白或青其壓有核核有深根應心能

爛筋骨毒入臟腑卽殺人但飲葵根汁可解其熱毒

集驗方

癰腫無頭三日後取葵子一百粒水

吞之當日卽開也一云只吞一粒卽破如吞兩粒卽有兩頭也一方葵子爲末水調敷之

腸胃

生癰懷忠丹治內癰有敗血腥穢殊甚臍腹冷痛用此排膿下血單葉紅蜀葵根白芷各一兩白枯

礬白芍藥各五錢爲末黃蠟鎔化和丸梧子大每空心米飲下二十九丸得膿血出盡服十宣散補之

皆效方

諸瘡腫痛不可忍者葵花根去黑皮搗爛入井華水調稠貼之

普濟方

癰疽腫毒黃蜀

葵花用鹽摻收瓷器中密封經年不壞每用傅之自平自潰無花用根葉亦可

直指方

便癰初起

黃葵子七七粒皂角半挺爲末以石灰同酢調塗之

永類鈴方

癰腫無頭龍葵莖葉搗傅

經驗方

發背癰腫成瘡者龍葵一兩爲末麝香一分研勻塗之

一切癰疽發背惡瘡用蝦蟆一箇同

老鴉眼睛草莖葉搗爛敷之卽散神效一方無蝦蟆

疔腫毒瘡黑色焮腫者乃服丹石毒也赤

色者肉麪毒也用龍葵根一握洗切乳香末黃連三兩杏仁六十枚和搗作餅厚如三錢依瘡大小

傅之覺痒卽換去痒不可忍切勿搔動候焮久瘡中似石榴子戢戢然乃去葉時時以甘草湯溫洗

洗後以蠟貼之終身不得食羊血如無龍葵以蔓菁根代之

聖濟總錄

魚臍疔瘡瞿麥燒灰以油和

傅之甚佳

崔氏方

疔腫初起王不留行子爲末蟾酥丸麥米大每服一丸酒下汗出卽愈

發

背癰毒痛不可忍龍牙草卽馬鞭草搗汁飲之以查傅患處

疔瘡惡腫五月五日收旱蓮草陰

乾仍露一夜收過疾時嚼一葉貼上外以消毒膏護之三日疔脫

聖濟總錄

癰疽腫毒連翹草及

根各一升水一斗六升煮汁三升服取汗

外臺祕要

癰疽惡肉不消者蒟醬灰石灰各淋取汁合煎

如膏傅之能蝕惡肉亦去瘰癧此藥過十日即不中用

千金方

惡瘡癰瘁作痛菰竹搗封癰落即

癰

肘后方

一切疔腫瘰癧子一升熬搗以酢和封頭上拔根

外臺祕要

諸瘡腫毒荆藜蔓洗三寸

截之以水五升煮取二升去查納銅器中又煮取一升納小器中煮如飴狀以塗患處

千金方

一

切癰疽及腸癰奶癰赤腫未破或已破而膿血不散發熱疼痛能食者並宜排膿托裏散用地蜈蚣

赤芍藥當歸甘草等分爲末每服二錢溫酒下

和劑局方

癰疽惡瘡紫花地丁連根同蓉耳葉等分

搗爛酒一鍾攪汙服

經驗方

癰疽發背無名諸腫紫花地丁草三伏時收以白麪和成鹽酢浸一

夜貼之昔有一尼患發背夢得此方數日而痊

集效方

一切惡瘡紫花地丁根日乾以罐盛燒煙

封瘡熏之出黃水取盡愈

易簡方

疔瘡腫毒紫花地丁搗汁服危極者亦效 又方用葱頭生

蜜共搗貼之若瘤瘡加新黑牛屎 腫毒初起大黃五倍子黃蘗等分爲末新汲水調塗日四五

次

簡便方

癰腫焮熱作痛大黃末酢調塗之燥即易不過數易即退甚驗神方也 一切毒腫

商陸根和鹽少許搗傅日三易之

千金方

石癰如石堅硬不作膿者生商陸根搗擦之燥即易取

軟爲度亦治濕漏諸癰瘡傷

瘡傷水毒商陸根搗炙熱布裹熨之冷卽易之

千金方

緩疽腫

痛箇如一兩爲散溫水服二錢

聖惠方

石癰堅硬不作膿者黃芩子爲末酢和傅瘡頭根卽拔出

千金方

癰疽腫毒以烏頭炒黃蘗炒各一兩爲末唾調塗之留頭乾則以米泔潤之

癰疽

肉突烏頭五枚濃酢三升淹五日洗之日夜三四度

古今錄驗

疔瘡腫痛酢和附子末塗之乾再上

千金方

疔毒初起草烏頭川烏頭各三箇杏仁九箇飛羅麪一兩爲末水調搽留口以紙蓋之乾

以水潤之

經驗方

疔毒惡腫生烏頭切片酢熬成膏攤貼次日根出

又方兩頭尖一兩巴豆

四箇搗貼疔自拔出

普濟方

疔瘡發背草烏頭去皮爲末用葱白連鬚和搗丸豌豆大以雄黃爲

衣每服一丸先將葱一根細嚼以熱酒送下或有惡心嘔三四口用冷水一口止之卽以被厚蓋汗

出爲度亦治頭風

乾坤秘鑑

惡毒諸瘡及發背疔瘡便毒等證二烏膏用草烏頭川烏頭於瓦上以

井華水磨汁塗之如有口卽塗諸四邊乾再上亦可單用草烏磨酢塗之

癰腫初起芫花末和

膠塗之

千金方

癰癰已潰芫花根皮搓作撚插入則口不合令膿易竭也

癰瘡未潰蔞草一

兩爲末雞子白調塗帛上貼之日二易取痛爲良

癰腫初起苦蘗根苦酒熬燥搗篩以苦酒和

塗紙上貼之

諸般癰腫新掘天門冬三五兩洗淨沙盆搗細以好酒濾汁頓服未效再服必愈

醫學
正傳

癰疽毒瘡赤何首烏不限多少瓶中文武火熬煎臨熟入好無灰酒相等再煎數沸時

飲之其查焙研爲末酒煮麪糊丸梧子大空心溫酒下三十丸疾退宜常服之

外科
精要

疔瘡發背

初起水調白蘗末塗之

時后
方

一切癰腫白蘗二分藜蘆一分爲末酒和貼之日三上

諸瘡

不斂白蘗赤蘗黃蘗各三錢炒研輕粉一錢用葱白漿水洗淨傳之

癰腫不散生白藥根搗貼

乾則易之無生者研末水和貼

圖經
本草

一切癰疽初起不問發於何處用木蓮四十九箇搯去毛

研細解開溫服功與忍冬草不相上下

外科
錄要

疔瘡黑凹用髮繩割住將尖葉薺搗汁和蜜一

錢服之外以葱蜜搗傳四圍

聖惠
方

一切腫毒不問已潰未潰或初起發熱用金銀花俗名甜藤

采花連莖葉自然汁半盞煎八分服之以查傳上敗毒托裏散氣和血其功獨勝疔瘡便毒喉痹乳

蛾方皆同

積善
堂方

敷腫拔毒金銀藤大者燒存性葉焙乾爲末各三錢大黃焙爲末四錢凡腫毒

初發以水酒調搽四圍留心洩氣

經驗
方

癰疽發背生菖蒲搗貼之瘡乾者爲末水調塗之

腫毒初起水中萍子草搗傳之

時后
方

一切癰疽馬蹄草卽蓴菜春夏用莖冬月用子就於根側

尋取搗爛傳之未成卽消已成卽毒散用菜亦可

保生餘錄

數種疔瘡馬蹄草又名缺盆草大青葉

臭紫草各等分搗爛以酒一椀浸之去渣溫服三服立愈

經驗良方

熱毒腫并丹毒但取渠中藻菜

切搗傳之厚三分乾卽易甚效無比

熱毒丹瘡千金方用慎火草搗汁拭之日夜拭一二十遍

一方入苦酒搗泥塗之乾則易

一切腫毒野園葵一把穿山甲燒存性七分當歸尾三錢搗爛

入酒一椀絞汁服以查傳之

集簡方

瘡瘍刺骨草血竭搗罨之自出

本草權度

一切腫毒初起用

透骨草漏蘆防風地榆等分煎湯綿蘸乘熱不住盪之二三日卽消

治疔瘡如櫻桃者用佛掌

花根同生薑蜜研汁服之外以天茄葉貼之

疔腫惡瘡胡麻燒灰針砂等分爲末酢和傳之日

三

普濟方

癰瘡不合烏麻炒黑搗傳之

千金方

癰疽發背初作卽以麻油一斤銀器煎二十沸

和醇酢三椀分五次一日服盡

直指方

腫毒初起麻油煎葱黑色趁熱通手旋塗自消

百一選方

疽瘡有蟲生麻油查貼之綿裹當有蟲出

千金方

一切疔腫麪和臍豬脂封之良

梅師方

癰疽

發背一切腫毒蕎麥麪硫黃各二兩爲末并華水和作餅曬收每用一餅磨水傳之痛則令不痛不

痛令痛卽愈

直指方下同

瘡頭黑凹蕎麥麪煮食之卽發起

赤根疔腫白粉熬黑和蜜傳之

方 癰疽發背稷米粉熬黑以雞子白和塗練上剪孔貼之乾則易神效葛氏方 疔瘡惡腫小

豆花末傳之 瘡腫傷風中水痛劇者黍稷燒煙熏令汗出愈千金方 石癰諸癰赤小豆五合

納苦酒中五宿炒研以苦酒和塗即消加苦蘗根等分范汪方 癰疽初作赤小豆末水和塗之毒

即消散頻用有效小品方 服硫發癰酢和豉研膏傳之燥則易千金方 一切腫毒葱汁漬之日

四五度 疔瘡惡腫刺破以老葱生蜜杵貼兩時疔出以酢湯洗之神效聖濟總錄 瘡犯惡露甚

者殺人薤白搗爛以帛裹煨熱去帛傳之冷即易換亦可搗作餅以艾灸之熱氣入瘡水出即瘥也

梅師方 一切惡瘡熬豉研傳之不過三四次出楊氏產乳 魚臍疔瘡寒食餚塗之良乾者燒灰千金方

風熱腫毒薤苗葉根蔓菁根各三兩為末以雞子清和貼之即消無蔓菁即以商陸根代

之甚效近效方 癰疽不潰苦酒和雀屎如小豆大傳瘡頭上即穿也肘后方 癰疽初起乾薑一

兩炒紫研末酢調傳四圍留頭自愈奇方也諸證辨疑 惡毒癰腫或連陰卵脾間疼痛變急牽入小

腹不可忍一宿即殺人者用茴香苗葉搗汁一升服之日三四服其查以貼腫上冬月用根此是外

國神方永嘉以來用之起死回生神效 一切腫毒松香八兩銅青二錢蓖麻切五錢同搗作膏

攤貼

疔瘡腫毒馬齒菜二分石灰三分爲末雞子白和塗之

對口惡瘡野苦蕒搗汁一鍾

入薑汁一匙和酒服以查傳一二次卽愈

魚臍瘡其頭白似粟腫痛不可忍先以針刺破頭及

四畔以白苣滴孔中卽愈

疔瘡初起不拘已成未成用翻白草十科酒煎服出汗卽愈

疔

毒作痛魚腥草搗爛傅之痛一二時不可去草痛後一二日卽愈

疔瘡惡腫野灰蘗菜葉燒灰

撥破瘡皮唾調少許點之血出爲度

腫毒初起帶泥山藥蓖麻子糯米等分水浸研傅之卽散

也

普濟方

熱毒瘡腫生茄子一枚割去二分去瓢二分似罐子形合於瘡上卽消也如已出膿再

用取瘡

聖濟總錄

癰疽不斂瘡口太深用絲瓜搗汁頻抹之

直指方

諸瘡久潰絲瓜兒根熬水掃

之大涼卽愈

應驗方

疔腫難拔黑牯牛拋糞在地待生菌子焙乾豨薟草等分爲末以竹筒去兩

頭緊縛合住疔上用水和末一錢入筒內少頃沸起則根拔出未出再作二三次

醫學正傳

諸瘡腫

痛杏仁去皮研瀝取膏入輕粉麻油調搽神效

地氏

癰疽瘡腫已潰未潰皆可用鹽白梅燒存性

爲末入輕粉少許香油調塗四圍

簡易方

卒得惡瘡人不識者桃皮作屑納之

孫真人方

諸瘡久

壞不愈者棗膏三升煎水噴洗取愈

疔腫惡毒以針刺四畔用榴皮著瘡上以麪團四畔灸之

以痛爲度仍內榴末傅上急裏經宿連根自出也

時后方

一切癰腫背癰附骨疽未成膿者核桃

十箇煨熟去殼槐花一兩研末杵勻熱酒調服

古今錄驗

疔瘡惡腫核桃一箇平破取仁嚼爛安殼

內合在瘡上頻換甚效

普濟方

石癰堅硬如石不作膿用椶子一枚以酢於青石上磨汁塗之乾

則易不過十度卽平

千金方

疔瘡惡腫用荔枝五箇或三箇不用雙數以狗糞中米淘淨爲末與

糯米粥同研成膏攤紙上貼之留一孔出毒氣

又方用荔枝肉白梅各三箇搗作餅子貼於瘡

上根卽出也

瘡腫作痛生椒末釜下土蕎麥粉等分研酢和傅之

腸癰已成小腹腫痛小

便似淋或大便難澀下膿用甜瓜子一合當歸炒一兩蛇退皮一條咬咀每服四錢水一盞半煎一

盞食前服利下惡物妙

聖惠

一切腫毒野葡萄根曬研爲末水調塗之卽消也

諸般癰腫按

毒止痛荷葉中心蒂如錢者不拘多少煎湯淋洗拭乾以飛過寒水石同臘猪脂塗之

毒腫入

腹雞舌香青木香薰陸香麝香各一兩水四升煮二升分二服

癰疽惡肉丁香末傅之外以膏

藥護之

怪證奇方

癰疽惡毒番降末楓乳香等分爲末熏之去惡氣甚妙

集簡方

一切惡瘡用白

膠香瀝青各一兩以麻油黃蠟各二錢半同鎔化入冷水中扯千遍攤貼之

儒門事親

惡瘡疼痛楓